

MEHUTA KA MOKA YA LETSENO LA KHIRIŠO E SWANETŠE GO LAODIŠWA GO SARS

Tshwane, 11 Matšhe 2021 – Ditirelo tša Motšhelo tša Afrika Borwa (SARS) di rata go tsebiša beng ba dithoto tša meago bao dithoto tša bona di lego ka Afrika Borwa gape bao ba dudišago baeng ba go lefela gore letseno leo ba le amogelago la khirišo le laodišwe ka go pušetšo ya bona ya letseno la motšhelo.

Wo ke molawana wa go swana wo o dirišwago go motho yo mongwe le yo monwe yo a amogelago letseno la khirišo go tšwa go dithoto tša bona bjale ka beng ba dintlo, ka go ba bea ka fase ga boitlamo bja go laodiša letseno leo la khirišo go SARS.

Mong wa thoto o kgopelwa go ngwadiša bjale ka morekiši wa VAT ka boitlamo bja go latela, ge eba letseno la khirišo la sebaka se se kopana le feta R1-million ka dikgwedi tše 12.

SARS e šoma ka thata go fana ka tlhaloso le tiišetšo bakeng sa balefela motšhelo go ba kgontšha go fihlelela boikgafo bja bona ntle le go šoma ka thata. Gape re tloga re itapiša go nolofaletša balefela motšhelo bao ba ikemišeditšego go obamela. Motlhako wa rena ka mehla e be e tloga e le gore molefela motšhelo yo mongwe le yo mongwe o swanetše go lefela kabelo ya gagwe ka maleba.

Le ge go le bjale re tloga re ikemišeditše go thatafaletša le go lefiša dikotlo go balefela motšhelo bao ba sa obamelego goba bao ba sa ikemišetšago go fihlelela boitlamo bja bona. Re šoma ka thata go kaonafatša bokgoni bja mekgwatšhomo ya rena, gore re kgone go nyakišiša balefela motšhelo bao ba sa obamelego ka go diriša tshedimošo go šupetša kotsi.

Bohlatse bja ka pejana bo file šedi ya go tsepelela nepo ya go kaonafatša obamelo ka go sektara ya beng ba dithoto bao ba amogelago letseno go tšwa go baeng bao ba lefišwago.

Beng ba dithoto bao, go fihla ka letšatšikgwedi le ba sa ka go ba laodiša letseno la khirišo ba tlhohleletšwa go phethagatša merero ya bona ka potlako. Balefela motšhelo bao ba amegago ba ka kgetha go diriša Lenaneo la go Ribolla ka go lthaopa (VDP) leo le fanago ka sebaka seo o ka ikgethelago sona go ya ka dinyakwa tša gago. Go palelwa ke go phethagatša merero ya motšhelo, go ka bea balefela motšhelo kotsing gomme ge ba ka kgethwa ke SARS bakeng sa oditi, tshepetšo e šoro ya mehleng e tla dirišwa.

Bohlokwa bja go diriša VDP e fana ka mabaka a go kgotsofatša bakeng sa dibaka tša kelo tša palo ya tefišo ya kotlo.

Balefela motšhelo ba gopotšwa gore go palelwa ke go obamela boitlamo bja bona bja motšhelo ba ka fetša ba hwetša dikotlo tša tefišo ya taolelo godimo ga tswala, goba kgato ya bosenyi e ka tšewa kgatlhanong le bona.

Yuniti ya VDP ka SARS e ka fihlelelwa thwii go VDP@sars.gov.za